



Broj: 07-11-1011/21
Vogošća, 31.08.2021. godine

Na osnovu člana 69. stav 2. tačka tačka d) Zakona o javnim nabavkama BiH ("Službeni glasnik BiH" broj: 39/14) i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 31.08.2021. godine donio je

**ODLUKU
O PONIŠTENJU OTVORENOG POSTUPKA NABAVKE RADOVA NA IZGRADNJI
VODOVODNE I KANALIZACIONE MREŽE U DIJELU ULICE ROSULJE**

Član 1.

Poništava se Otvoreni postupak nabavke radova na izgradnji vodovodne i kanalizacione mreže u dijelu ulice Rosulje broj: 07-11-1011/21, jer nijedna od pristiglih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Član 2.

Odluka o poništenju će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 06.07.2021. godine donio Odluku o pokretanju Otvorenog postupka nabavke radova na izgradnji vodovodne i kanalizacione mreže u dijelu ulice Rosulje, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 06.07.2021. godine pod brojem: 1353-1-3-126-3-94/21.

Sažetak Obavještenja o nabavci objavljen je u "Službenom glasniku BiH" broj: 42/21 od 09.07.2021. godine.

Tendersku dokumentaciju sa Portala javnih nabavki BiH su preuzela 23 (dvadeset i tri) ponuđača.

Krajnji rok za dostavu ponuda bio je 26.07.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 26.07.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1011/21 iz jula 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Mibral" d.o.o Sarajevo	254.735,93	/	/	298.041,04
2	"Ted invest" d.o.o Sarajevo	276.439,88	/	/	323.434,66
3	"Harysco" d.o.o Sarajevo	276.939,82	/	/	324.019,59

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Mibral" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

U odnosu na zahtjevane tehničke i opšte uslove od KJKP "ViK" d.o.o. Sarajevo kao krajnjeg korisnika objekta (strana 41-47 TD), ponuđač "Mibral" d.o.o. Sarajevo nije dostavio katalog za multijoint spojnicu U tipa, te katalog i certifikat za PE cijevi koje su potrebne za izradu kućnih priključaka.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

- II. Ponuda ponuđača "Ted invest" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.2. pod b) TD kroz Napomenu II ugovorni organ je propisao da će se kao dokazi o radnom angažmanu za tražene osobe prihvatiti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b) TD.

Ponuđač "Ted invest" d.o.o. Sarajevo je u svojoj ponudi (strana 66. Ponude) dostavio Ugovor o poslovno-tehničkoj saradnji od 23.07.2021. godine zaključen sa firmom "Sela" d.o.o. Sarajevo.

Uz Ugovor je dostavljena Lista osiguranih lica za obveznika "Sela" d.o.o. Sarajevo od 07.07.2021. godine, izdata od strane Porezne uprave Federacije BiH-Porezna ispostava Novi Grad.

Komisija za javne nabavke je mišljenja da dostavljena ovjerena kopija Liste osiguranih lica za obveznika "Sela" d.o.o. Sarajevo nije ovjerena od strane nadležnog organa na ispravan način. Komisija za javne nabavke smatra problematičnim činjenicu da se priložena Lista osiguranih lica sastoji od 6 (šest) stranica, dok Služba za opću upravu Općine Novi Grad Sarajevo ovjeravajući predmetnu kopiju dokumenta nije stavila pečat između druge i treće stranice dokumenta (strana 68-69. Ponude), a na pečatu ovjere (strana 72. Ponude) uopće nije naznačila od koliko se stranica fotokopija sastoji, a što je direktno utjecalo na formalno-pravnu ispravnost dostavljenog dokumenta.

Navedene činjenice kao žalbene navode koji su usvojeni kao osnovani potvrđuje i praksa Ureda za razmatranje žalbi BiH-Filijala Mostar kroz Rješenje broj: JN2-03-07-1-729-8/17 od 24.08.2017. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

III. Ponuda ponuđača "Harysco" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 9.8.1.TD je propisano da će ugovorni organ dostaviti na potpis izabranom ponuđaču prijedlog Ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Ugovora je uključen u Aneks 7. tenderske dokumentacije ("nacrt"). Ponuđač treba potpisati prijedlog Ugovora i popuniti sve dijelove koji su ostavljeni prazni (nacrt ugovora mora biti uredno popunjen, potpisan i ovjeren pečatom ponuđača).
Ponuđač "Harysco" d.o.o. Sarajevo je propustio da popuni dijelove koji su ostavljeni prazni u nacrtu Ugovora-Član 5. nacrtu Ugovora (str. 128. Ponude), te je na taj način postupio suprotno jasno postavljenom zahtjevu ugovornog organa iz TD.
Navedene činjenice kao žalbene navode koji su usvojeni kao osnovani potvrđuje i praksa Ureda za razmatranje žalbi BiH-Filijala Mostar kroz Rješenje broj: JN2-03-07-1-587-8/19 od 28.03.2019. godine.

U odnosu na zahtjevane tehničke i opšte uslove od KJKP "ViK" d.o.o. Sarajevo kao krajnjeg korisnika objekta (strana 41-47 TD), ponuđač "Harysco" d.o.o. Sarajevo:

- nije boldirao u katalogu izabranu stavku za vodovodnu cijev,
- nije dostavio potvrdu od ovlaštene certifikacijske kuće da je materijal za izradu brtve isključivo za pitku vodu, prema europskoj direktivi 98/83/CE prevedenu od ovlaštenog sudskog tumača na bosanski jezik,
- nije dostavio katalog za ugradbenu garnituru ventila i kapu ventila.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na izgradnji vodovodne i kanalizacione mreže u dijelu ulice Rosulje, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Mibral" d.o.o. Sarajevo
2. "Ted invest" d.o.o. Sarajevo
3. "Harysco" d.o.o. Sarajevo
4. Nadležnoj Službi
5. U dosije
6. a/a

033/656-680

033/668-306

033/590-852

